

Član 18.

Zastava Kantona podiže se i spušta, ističe i skida, odnosno prenosi, uz uobičajene počasti (ustajanje, pozdravljanje).

IV. KAZNENE ODREDBE

Član 19.

Novčanom kaznom u iznosu od 1.500 do 7.500 KM kaznit će se za prekršaj pravno lice ako:

1. upotrijebi grb ili zastavu Kantona u obliku i sadržaju suprotno odredbama člana 5. ovog Zakona,
2. upotrijebi grb ili zastavu Kantona kao znak za obilježavanje robe ili usluga (član 7.),
3. upotrijebi grb ili zastavu Kantona suprotno uslovima iz člana 8. ovog Zakona,
4. ako na javnom mjestu upotrijebi grb ili zastavu Kantona koji su oštećeni ili su svojim izgledom nepodobni za upotrebu (član 9.),
5. ako upotrijebi grb ili istakne zastavu Kantona suprotno odredbama čl. 4, 12. i 15. ovog Zakona.

Za prekršaj iz prethodnog stava kaznit će se i odgovorno lice u pravnom licu, novčanom kaznom u iznosu od 300 do 750 KM.

Za prekršaj iz stava 1. ovog člana kaznit će se i odgovorno lice u kantonalnom organu uprave i drugom kantonalnom organu, odnosno organu Grada Sarajeva i općine sa teritorije Kantona, novčanom kaznom u iznosu od 300 do 750 KM.

Član 20.

Novčanom kaznom od 1.000 do 5.000 KM kaznit će se za prekršaj pravno lice ako ne upotrijebi grb odnosno ne istakne zastavu Kantona u skladu s odredbama čl. 10. i 13. ovog Zakona.

Za prekršaj iz prethodnog stava kaznit će se i odgovorno lice u pravnom licu, novčanom kaznom u iznosu od 200 do 500 KM.

Za prekršaj iz stava 1. ovog člana kaznit će se i odgovorno lice u kantonalnom organu uprave i drugom kantonalnom organu, odnosno organu Grada Sarajeva i općine sa teritorije Kantona, novčanom kaznom u iznosu od 200 do 500 KM.

Član 21.

Za prekršaj iz člana 19. stav 1. ovog Zakona novčanom kaznom u iznosu od 300 do 750 kaznit će se fizičko lice-obrtnik.

Za prekršaj iz člana 19. stav 1. tač. 1., 2., 3. i 4. ovog Zakona kaznit će se fizičko lice novčanom kaznom u iznosu od 100 do 400 KM.

Član 22.

Uz novčanu kaznu predviđenu za prekršaj iz čl. 19. i 21. ovog Zakona, učiniocu prekršaja izriče se i zaštitna mjera oduzimanja predmeta kojim je izvršen prekršaj.

Član 23.

Ovlašteni organ za izricanje prekršajnih sankcija putem izdavanja prekršajnog naloga i pokretanje prekršajnog postupka je Ministarstvo unutrašnjih poslova Kantona.

Na osnovu člana 7. Zakona o izmjenama i dopunama Zakona o pečatu Kantona Sarajevo ("Službene novine Kantona Sarajevo", broj 39/08) i člana 172. stav 1. Poslovnika Skupštine Kantona Sarajevo ("Službene novine Kantona Sarajevo", broj 12/05 - Prečišćeni tekst i broj 7/08), Zakonodavno - pravna komisija Skupštine Kantona Sarajevo, na sjednici od 23. januara 2009. godine, utvrdila je Prečišćeni tekst Zakona o pečatu Kantona Sarajevo.

Prečišćeni tekst Zakona o pečatu Kantona Sarajevo obuhvata: Zakon o pečatu Kantona Sarajevo ("Službene novine Kantona Sarajevo", broj 9/99), Zakon o izmjeni Zakona o pečatu Kantona Sarajevo ("Službene novine Kantona Sarajevo", broj 8/01), Zakon o izmjenama i dopunama Zakona o pečatu Kantona Sarajevo ("Službene novine Kantona Sarajevo", broj 16/03) i Zakon o izmjenama i dopunama Zakona o pečatu Kantona

Sarajevo ("Službene novine Kantona Sarajevo", 39/08), u kojim je naznačen dan stupanja na snagu tih zakona.

Broj 01-05-1113-1/09

23. januara 2009. godine
Sarajevo

Predsjedavajući

Zakonodavno-pravne komisije
Esad Hrvčić, s. r.

ZAKON

**O PEČATU KANTONA SARAJEVO
(PREČIŠĆENI TEKST)**

I. OPĆE ODREDBE

Član 1.

Ovim Zakonom utvrđuju se organi koji imaju pravo na pečat Kantona Sarajevo (u daljnjem tekstu: Kanton), oblik i sadržaj pečata, izrada pečata, čuvanje i upotreba pečata, kao i druga pitanja od značaja za provođenje ovog Zakona.

Član 2.

Pečat Kantona (u daljnjem tekstu: pečat) imaju:

- Kanton;
- Skupština Kantona;
- Vlada Kantona;
- kantonalna ministarstva, kantonalne uprave i kantonalne upravne organizacije, stručne i druge službe koje osniva Vlada Kantona i drugi kantonalni organi i organizacije;
- sudovi Kantona;
- Kantonalno tužilaštvo;
- Pravobranilaštvo Kantona;
- Štab civilne zaštite Kantona;
- javne ustanove čiji je osnivač Kanton, ako pravilima javne ustanove nije drukčije određeno.

U slučaju da javna ustanova svojim pravilima određuje oblik i sadržaj pečata, tim pravilima se uređuje i način izrade pečata, čuvanje i upotreba pečata i druga pitanja od značaja za izradu i upotrebu pečata.

Član 3.

Pečatom se potvrđuje autentičnost službenih akata organa iz prethodnog člana ovog Zakona.

II. OBLIK I SADRŽAJ PEČATA

Član 4.

Pečat ima oblik kruga, a u prvom koncentričnom krugu sadrži tekst: "Bosna i Hercegovina - Federacija Bosne i Hercegovine", u drugom koncentričnom krugu tekst: "KANTON SARAJEVO", ispisanim velikim slovima i u trećem koncentričnom krugu naziv i sjedište organa iz člana 2. ovog Zakona.

Nazivi iz prethodnog stava ispisuju se istovremeno latinicom i ćirilicom.

U sredini pečata je grb Kantona.

Član 5.

Pečat Kantona ima prečnik od 70 mm, a pečati ostalih organa iz člana 2. ovog Zakona imaju prečnik od 50 mm (veliki pečat) i 30 mm (mali pečat).

Izuzetno, pečat organa iz člana 2. ovog Zakona može biti i prečnika 20 mm.

Član 6.

Organi iz člana 2. ovog Zakona u pravilu imaju jedan pečat prečnika 50 mm i jedan pečat prečnika 30 mm, a mogu imati i po jedan pečat prečnika 20 mm i prečnika 30 mm za otiske u pečatnom vosku.

Ako je to neophodno, zbog organizacije rada, organi mogu imati i više pečata iz prethodnog stava, s tim da su dužni posebno obrazložiti takav zahtjev.

Ako organi iz člana 2. ovog Zakona imaju više pečata iste veličine i sadržine, svaki primjerak mora biti označen brojem.

Premijer ima pravo koristiti pečat Vlade Kantona.

III. IZRADA PEČATA

Član 7.

Pečat izrađuje pečatoreznica koju ovlasti Ministarstvo pravde i uprave Kantona (u daljnjem tekstu: Ministarstvo), u skladu s rješenjem o odobrenju izrade pečata i od materijala koji najviše odgovara svrsi upotrebe pečata.

Član 8.

Nadzor nad radom pečatoreznice ovlaštene za izradu pečata, u pogledu izrade pečata, vrši Ministarstvo.

Član 9.

Izradu pečata rješenjem odobrava Ministarstvo.

Ministarstvo će rješenjem odbiti zahtjev za odobravanje izrade pečata ako podnosilac zahtjeva nema pravo na pečat Kantona ili ako se zahtjev odnosi na odobravanje izrade pečata čiji su sadržaj, dimenzije i broj primjeraka suprotni odredbama ovog zakona.

Primjerak rješenja o odobravanju izrade pečata Ministarstvo dostavlja Ministarstvu unutrašnjih poslova Kantona.

Član 10.

Izrađene pečate, do predaje organu, ovlašćena pečatoreznica dužna je čuvati na sigurnom mjestu i odmah nakon izrade pečata uništiti sve matrice, kao i neuspjele i probne primjerke pečata.

Član 11.

Ministarstvo vodi evidenciju o svim izrađenim pečatima, koja sadrži broj i datum rješenja kojim je odobrena izrada pečata, naziv organa kome je odobrena izrada pečata, otisak pečata, broj primjeraka pečata, datum predaje pečata na upotrebu, kao i podatke o uništenju ili nestanku pečata.

Radi evidencije iz prethodnog stava, organ kome je odobrena izrada pečata dužan je, odmah nakon izrade pečata, Ministarstvu pravde dati otisak pečata i obavijestiti Ministarstvo o datumu početka upotrebe pečata.

IV. ČUVANJE I UPOTREBA PEČATA

Član 12.

Pečatom rukuje i upotrebljava ga funkcioner koji rukovodi organom iz člana 2. ovog Zakona.

Pečatom može rukovati i upotrebljavati ga i službeno lice organa koje posebnim rješenjem ovlasti funkcioner iz prethodnog stava.

Član 13.

Pečat Kantona čuva i upotrebljava lice koje ovlasti Skupština Kantona.

Pečat Kantona stavlja se na originale zakona prije njihovog objavljivanja.

Član 14.

Pečat se stavlja sa lijeve strane pored potpisa lica ovlašćenog za potpisivanje službenih akata.

Član 15.

Pečati se moraju čuvati i upotrebljavati tako da se onemoguću njihova zloupotreba.

O načinu čuvanja i upotrebe pečata odlučuje funkcioner koji rukovodi organom.

U organu se vodi posebna evidencija o svim pečatima koji su u upotrebi kod toga organa.

Član 16.

Pečat koji je, zbog istrošenosti ili iz drugih razloga, postao neupotrebljiv, mora se odmah uništiti, o čemu se stara funkcioner koji rukovodi organom ili službeno lice ovlašćeno za čuvanje i upotrebu pečata.

Pečat se smatra neupotrebljivim zbog istrošenosti, ako se iz njegovog otiska jasno ne vidi tekst koji daje otisak pečata.

Uništavanje neupotrebljivih pečata vrši Ministarstvo.

Član 17.

Funkcioner koji rukovodi organom uprave ili službeno lice ovlašćeno za čuvanje i upotrebu pečata, dužni su odmah prijaviti nestanak pečata Ministarstvu unutrašnjih poslova Kantona i oglasiti u "Službenim novinama Kantona Sarajevo".

Nestali pečat smatra se nevažećim od dana oglašavanja u "Službenim novinama Kantona Sarajevo", a u slučaju kasnijeg pronalaza, nevažeći pečat će se uništiti.

Novi pečat koji se izrađuje umjesto nestalog pečata mora biti posebno označen.

V. KAZNENE ODREDBE

Član 18.

Novčanom kaznom u iznosu od 3.000 do 10.000 KM kazniće se za prekršaj pravno lice koje izradi pečat a nema pravo na upotrebu pečata u skladu sa članom 2. ovog Zakona.

Za prekršaj iz stava 1. ovog člana kazniće se odgovorno lice u pravnom licu novčanom kaznom u iznosu od 1.000 do 3.000 KM, a fizičko lice (obrtnik) novčanom kaznom od 1.500 KM.

Član 19.

Novčanom kaznom u iznosu od 1.500 do 7.500 KM kaznit će se za prekršaj organ iz člana 2. ovog Zakona koji ima svojstvo pravnog lica, ako ne dostavi na uništenje dotrajali pečat (član 16) ili ako na propisan način ne ogласi nestali pečat (član 17).

Za prekršaj iz prethodnog stava kaznit će se i odgovorno lice u organu iz člana 2. ovog Zakona, u iznosu od 500 do 1.000 KM.

Član 20.

Novčanom kaznom u iznosu od 3.000 do 10.000 KM kazniće se za prekršaj pečatoreznica - pravno lice ako:

- izradi pečat bez ovlaštenja Ministarstva i bez rješenja o odobrenju izrade pečata (član 7),
- izradi pečat, po sadržini, dimenzijama, broju primjeraka ili od materijala, suprotno rješenju Ministarstva (član 7),
- ako postupi suprotno članu 10. ovog Zakona.

Za prekršaj iz stava 1. ovog člana kazniće se za prekršaj odgovorno lice u pečatoreznici - pravnom licu novčanom kaznom u iznosu od 1.000 do 3.000 KM.

Za prekršaj iz stava 1. ovog člana kazniće se za prekršaj fizičko lice koje ima pečatoreznicu (obrtnik) novčanom kaznom od 1.500 KM.

Uz novčanu kaznu predviđenu za prekršaj iz stava 1. alineja 3. ovog člana, pečatoreznici-pravnom licu i fizičkom licu koje ima pečatoreznicu (obrtniku) izriče se zaštitna mjera oduzimanja matrica i neuspjelih i probnih primjeraka pečata.

Član 21.

Ovlašteni organ za izricanje prekršajnih sankcija putem izdavanja prekršajnog naloga i za pokretanje prekršajnog postupka je Ministarstvo.

VI. PRIJELAZNE I ZAVRŠNE ODREDBE

Član 22.

Na rad pečatoreznice i postupanje organa iz člana 2. ovog Zakona, shodno se primjenjuje Uputstvo o radu pečatoreznice, načinu vođenja evidencije o izrađenim pečatima, uništavanju pečata, nestanku pečata i evidenciji o pečatima i označavanju novih pečata ("Službene novine Federacije BiH", broj 16/96).

Član 23.

Organi iz člana 2. ovog Zakona podnijet će zahtjev za izradu pečata, u skladu sa odredbama ovog Zakona, u roku od 60 dana od dana stupanja na snagu Zakona o pečatu Kantona Sarajevo ("Službene novine Kantona Sarajevo", broj 9/99).

Član 24.

Danom stupanja na snagu Zakona o pečatu Kantona Sarajevo ("Službene novine Kantona Sarajevo", broj 9/99) prestaje da važi Privremena odluka o pečatima ("Službene novine Kantona Sarajevo", br. 5/96, 7/96, 4/97 i 13/98).

Član 25.

Zakon o pečatu Kantona Sarajevo ("Službene novine Kantona Sarajevo", broj 9/99) stupa na snagu osmog dana od dana objavljivanja u "Službenim novinama Kantona Sarajevo".

Član 26.

Izmjena člana 2. stav 1. alineja 8. Zakona o pečatu Kantona Sarajevo izvršena Zakonom o izmjenama i dopunama Zakona o pečatu Kantona Sarajevo ("Službene novine Kantona Sarajevo", broj 16/03) primjenjuje se od dana početka rada Kantonalnog tužilaštva Kantona Sarajevo, utvrđenog u skladu sa Zakonom o kantonalnom tužilaštvu Kantona Sarajevo ("Službene novine Kantona Sarajevo", broj 22/02).

Vlada Kantona

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 23. Zakona o komunalnim djelatnostima ("Službene novine Kantona Sarajevo", broj 31/04) i Mišljenja neovisnog stručnog tijela Vlada Kantona Sarajevo (broj 03/08 od 30. 05. 2008. godine), Vlada Kantona Sarajevo donijela je, na Prvoj sjednici održanoj 22. januara 2009. godine,

ODLUKU

**O DAVANJU SAGLASNOSTI NADZORNOM ODBORU
KJKP "SARAJEVOGAS" D.O.O. SARAJEVO O
PREKATEGORIZACIJI VJERSKIH OBJEKATA IZ
TARIFNE GRUPE "MALA PRIVREDA" U TARIFNU
GRUPU "DOMAĆINSTVA"**

I.

Daje se saglasnost Nadzornom odboru KJKP "Sarajevogas" d.o.o. Sarajevo na Odluku o prekategorizaciji vjerskih objekata iz Tarifne grupe "Mala privreda" u Tarifnu grupu "Domaćinstva", broj 1802/08 od 01.07.2008. godine, a koja je sastavni dio ove Odluke.

II.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-05-1221-3/09
22. januara 2009. godine
Sarajevo

Premijer
Besim Mehmedić, s. r.

Na osnovu člana 83. stav 1. Zakona o lijekovima ("Službene novine Federacije BiH", broj 51/01 i 29/05), člana 33. Zakona o zdravstvenom osiguranju ("Službene novine Federacije BiH", broj 30/97, 7/02 i 70/08), kao i člana 22. i člana 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), na prijedlog ministra zdravstva, Vlada Kantona Sarajevo, na Prvoj sjednici održanoj 22. januara 2009. godine, donijela je

ODLUKU

**O IZMJENI ODLUKE O LISTI LIJEKOVA KOJI SE
PROPISUJU I IZDAJU NA TERET SREDSTAVA
ZAVODA ZDRAVSTVENOG OSIGURANJA KANTONA
SARAJEVO KAO I NAČINU NJIHOVOG
PROPISIVANJA I IZDAVANJA**

Član 1.

(Zamjena lijekova inostranih proizvođača)

U Odluci o listi lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo, kao i načinu njihovog propisivanja i izdavanja ("Službene novine Kantona Sarajevo", broj 2/08), član 20. mijenja se i glasi:

"Član 20.

- (1) Redovnom godišnjom revizijom i svaka tri mjeseca nakon iste Komisija će vršiti uvrštavanje lijekova domaćeg proizvođača registrovanog na području Federacije BiH, identičnog generičkog sastava, oblika i jačine, za koji je u međuvremenu dobiveno odobrenje nadležnog organa za stavljanje lijeka u promet i podnesen zahtjev Komisiji za uvrštavanje na Listu lijekova, sa lijekovima inostranog proizvođača koji se nalaze na Listi lijekova.
- (2) U slučaju kada dva ili više domaćih proizvođača registrovanih na području Federacije BiH registruju lijek istog generičkog sastava, oblika i jačine u odnosu na lijek inostranog proizvođača koji se već nalazi na Listi lijekova, ravnopravno se uvrštavaju sa lijekovima inostranog proizvođača koji se nalaze na Listi lijekova."

Član 2.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-1221-2/09
22. januara 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na Prvoj sjednici održanoj 22. januara 2009. godine, donijela je

RJEŠENJE

**O IMENOVANJU VRŠIOCA DUŽNOSTI DIREKTORA
ZAVODA ZA IZGRADNJU KANTONA SARAJEVO**

I.

Imenuje se LJILJANA PELIDIJA, dipl. ing. građ. za vršioca dužnosti direktora Zavoda za izgradnju Kantona Sarajevo, na period od najviše dva (2) mjeseca, odnosno do okončanja procedure imenovanja.

II.

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-1221-30/09
22. januara 2009. godine
Sarajevo

Premijer
Besim Mehmedić, s. r.

Na osnovu čl. 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na Drugoj sjednici održanoj 28. januara 2009. godine,

RJEŠENJE

**O RAZRJEŠENJU DIREKTORA ZAVODA ZA
IZGRADNJU KANTONA SARAJEVO**

I.

BESIM MEHMEDIĆ, dipl. ing. arh., razrješava se dužnosti direktora Zavoda za izgradnju Kantona Sarajevo, na lični zahtjev, zbog prelaska na novu dužnost.

II.

Ovo Rješenje će se objaviti u "Službenim novinama Kantona Sarajevo".

Broj 02-05-1525-3/09
28. januara 2009. godine
Sarajevo

Premijer
Besim Mehmedić, s. r.